

Aṅwà'ànè Paul yi ntsyàmɓii a mbô ñghòtê BaTESALONIKA

NJI'INNŪ ANWÀ'ANƏ YŪ

A aṅwà'ànè yū aa a le ṅṅwà'ànə Paul. Tesalonika à le mbə ñjò'ò àla'a yĩ ntsyàmɓii a mbù'ù Macedonia, ṅki gha'a tsyatə njɔ'ɔ ala'à tsim ghu. Bè le ntswe ghu tsǒ 200,000. Bè bĩ ghà'àtè bi zĩ ñtaṅə nĩ mitaa ghu. Bo tswê nì byaa bĩsa'a bi ala'à.

A nĩ ñtoo yĩ ñsigìnè a Tesalonika aa a le nzi Paul ni Silas a ajàn mə bo le mà'àtə Filipi aà. Bô zĩ mē ñswonə annu Kristo ghu aa, baYuda bii mə bi le ntswe ghu aa bi tuu ànnu yaa, ntotə bê, bi furə waa, bo tigè ñlo waa ṅghɛɛ a Berea (ɪfà'à 17.1-10). Bo le ntswe a Tesalonika aa tsi'ĩ a ni mú àtii noò, tsǒ ṅya ji tarè (ɪfà'à 17.2). Lâ, m̀bɔṅ tâ bi furə waa aa bɔṅ bè bĩ mɔ'ɔ, ni baGrikia bi ghà'àtè, bi bii mē ñtoo yĩ ñsigìnè yâ (ɪfà'à 17.4). Bɔɔ bi Kristo ma bũ bi le tswe a múm ṅgi'i nlon mə bi le si naṅsə ntsɔ'ɔ nĩ àkòrê yaa aà. Ka mə bi le si tso'ɔ nĩ àkòrê yaa aa, àbiiintii yaa a le ṅkwe ṅghɛɛ nĩ m̀bii, bo bii nĩ ṅgi'i ya nĩ àtànəntii, ṅkɔṅə nĩ waa bo ni bo, ñsɛnsə nĩ ñtoo yĩ ñsigìnè yâ.

Timoti à le ṅghèè ñswonə annu yii mə a le tswe a ṅghotê baTesalonika aa a mbo Paul. A yù'ù mē ñtigə ṅṅwa'anə aṅwà'ànè yū a mfâ m̀bi'ikə a mbo bo, i d̀iintè waa wa múm ṅgi'i, i di'itə waa,

i kii kwi'i innù jī mɔ'ɔ jīi mɔ bo ɛ si betə nii ghu aà. A ɛ nɔghàà a mbo bo nlonɔ bɛ bii mɔ bi kwokə a mùm Kristo aa, nswonɔ nī àjàn yīi mɔ a ka yī bɛ wa noð mɔ Kristo à ka yī bǔ bii aà (4.3-5.11). Ndi'itə waa nswonɔ annù yīi mɔ Nwī a lòò nlonɔ nɔgàà yàà aa (4.3; 5.16-18). Paul à ɛ si nanɔsə loo mɔ tâ bo ka nɛ'esə nī waa, nyonɔ nī àkorè nizi yaa. Ntsa'atə nī Nwī a atu bo mɔ tâ bo nanɔsə mfa mibìminù mya a mbo Nwī tâ à nanɔsə nləə waa bi laa, mbə njoo ifà'â ji (4.9-12; 5.12-25).

Nɔghòtə baTesalonika i nī àlènsə nɔghotə, mbə figi a mbo bə bitsim a nī àbiinti yaa, bo bi a ajàn mɔ bo ɛ mbii nɔgi'i nī àtànɔntii, nɛɛensə nī ntoo yī nɛsiginə ya ghu, mbī ntsim i tigə nyu'u nī ànnù yaa aà (1.7-10). Paul à ɛ nanɔsə ndoritə nlonɔ nɔgàà nɔghòtə mà yū, niti yī i luu nī àkòɔnə nlonɔ nɔgàà yàà.

Bi yatə ànɔwà'ànə yū aa laà:

1. Nji'innù ànɔwà'ànə yuà 1.1
2. Ajàn mɔ Paul mfa mbi'ikə nɔgħa'asə nī Nwī aà 1.2—3.13
3. Adi'itə mɔ bi ka nzi akòrè nizi yaa a mum Kristo 4.1-2
4. Adi'itə nlonɔ annù a ajàn mɔ Kristo à ka yī bǔ bii aà 4.13—5.11
5. Iði'itə ji nlwī'injīm 5.12-22
6. Innù jīi mɔ Paul à ɛ nswonɔ a nlwī'isə aà 5.23-28

¹ Ànɔwà'ànə yīi mɔ a lo a mbo Paul, Silvanus, ni Timoti, nɔghɛ ni a mbo bə bi Nwīngòn Tà, ni Mmà'àmbi Yesu Kristo, bii mɔ bi tswe a ndânwī

a Tesalonika aà. Tá ìbòṅ Nwí nî m̀b̀òònê yí ì tswè a mbo bù.

² Bì'i fa nî m̀b̀i'ikə a mbo Nwí a ṅgòṅ bìnòò b̀i'ts̀im̀ òlòṅ ṅgaa yùù, kaa wa' à kaà a nniṅè ghuu a mum àtsà àtè Nwí yi'i, ntsa'atə nî Nwĩṅgòṅ Taà yi' inè

³ ṅwa'atə nî àfà'a ab̀iint̀i yuu, bo bì ànwùḡinə akòṅnè yuu, bo bì àjàṅ yíi mə nì t̀è'è atú yuu nyu'utə nî M̀m̀à'̀ambi Yesu Kristo ghu nî àt̀aṅənt̀i aà.

⁴ Bì'i zi tsi'i sigìnè, bil̀m̀ bi'i b̀i mə Nwĩṅgòṅ à kòṅ aa, mə nì nì b̀òò bi b̀i mə bi ntsò'ò;

⁵ òlòṅ mə kaa Ntoò yí òsigìnè ya mə b̀i'ì lè nzi nì yu a mbo bù aa, kaa ì lè ṅwa' à aa tsi'ì nì òghàà nì tsù zì b̀ê, ì lè ṅki nzi aa nì m̀idà' à bo bì a múm Azwí Nwí, kaa ànnũ aj̀ṅkè kaa a wa' à ghu tswè. Nì zì ìjàṅ b̀ê b̀i mə b̀i'ì lè mbə ghu a tit̀i bù, òlòṅ aà ṅgaa yùù.

⁶ Nì lè si tigə ṅṅe'esə nî yi'i ṅkii ṅṅe'esə nî M̀m̀à'̀ambí, òlòṅ mə nì lè ṅkwèrə ntoo yí òsigìnè ma yú aa a múm ṅḡi'ì yí ṅwè, lá Azwí Nwí a b̀aṅnè ṅghirə nì kwèrə nì ǹidòrè;

⁷ ma mùu ajàṅ nì tigè m̀b̀ə f̀igè a mbo b̀è b̀i mə bi lè mbii Kristo a Macedonia bo ì Achaia aà.

⁸ Nlòṅ mə kaa à si tsi'ì ntoo M̀m̀à'̀ambi ya b̀ə a ajàṅ yíi mə nì s̀eənsə ì ghèè a Macedonia bo bì a Achaia aà, àjàṅə mə nì ǹiṅ nt̀i ghuu a nu Nwí aa, a k̀i m̀ê s̀eənə ṅghèè a adigə tsimè, maa ajàṅ, a tigè m̀b̀ə ayəfə yuu, kaa b̀i'ì wa' à nî ànnũ tsu bú òtswe a nswòṅ òlòṅ ṅgaa yùù.

⁹ Nlòṅ mə bo b̀imb̀oṅ bi swòṅə nî ànnũ ajàṅ yíi mə nì lè ṅkwèrə yi'ì aa, bo bì àjàṅ yíi mə nì lè

mbəŋkə ghuu mma'atə a mmii mən̄kobə, ntigə mfa'a ni a mbo Nwĩŋgəŋ yĩ mə à tswe nt̄ī ñki mbə yĩ ànnù n̄ŋkoŋ aà.

¹⁰ N̄kii ntigə nyu'utə n̄i Mũ yĩ Yesu, mə tâ à lo a aburə mbu mb̄ī, là'à yu wa yĩ mə Nwĩ à lə mb̄īnsə a niwo aà, mbə Yesu yĩ mə a fi'isə n̄i y'i'inhə a m̄m̄ àlwintəŋə Nwĩ yĩ mə a ka yĩ zĩ aà.

2

¹ N̄i zi tsi'ĩ siḡinhə, bil̄m̄ bi'i, mə ntswe yĩ mə b̄i'ĩ lə ntswe a tit̄ī bù aa, kaa ì lə ŋwa'à aa ad̄an̄ d̄an̄ə tsyá.

² N̄i zi mə mbəŋ tā b̄i'ĩ ka nzi a mbo bù aa, boŋ b̄i d̄i mə ŋgi'i a mbo b̄i'ĩ ñki mbəgitə yi'i a Filipi. La n̄i zi mə ka mə a lə mbə ma mùu aj̄an̄ aa, Nwĩ yĩ'ĩ à lə mfa at̄an̄ənt̄ī a mbo b̄i'ĩ mə b̄i'ĩ kə'ənə ntoò Nwĩ yĩ ñsiḡinhə ya a mbo bù, ka mə bè b̄i ghà'àtə lə si to ni mə tâ b̄i'ĩ tsuu swəŋə aà.

³ Annù yĩ mə b̄i'i gaansə mit̄ī mi'i a ŋghirə mə tâ n̄i zi aa, kaa a s̄i aa a n̄i àfansənnù k̄ə a n̄i ànnù yĩ mə kaa a s̄i laa, kə bə ni annũ mbwe'esə tswé.

⁴ Ntoó yĩ siḡinhə ma yũ, Nwĩ à beentə mfa a mbo b̄i'i mə tâ b̄i'ĩ ka n̄s̄ēnsə, kaa wa'a ka n̄s̄ēnsə aa bə a ŋghirə mə tâ nũ bè ì ka mbəŋə, ntsyatə a ŋghirə mə tâ Nwĩ à ka ndoritə, à ni tsi'ĩ yù Nwĩ yĩ mə à zi m̄int̄ī mi'i aà.

⁵ Nwĩ à n̄i àyəf̄ə yi'i mə, n̄i zi mə kaa b̄i'ĩ lə si wa'à aa ñghàà ni mbwe'esə n̄i mə ni ka ki ghirə tâ bè ka ndoritə aa, lògə m̄fa'a ni nu. Kaa wa'à k̄ī m̄fa'a aa mb̄er̄isə nyəŋə ni aa b̄ə àb̄ī yĩ tsu yĩ mə a tswe ghu aà.

⁶ Kaa bĩ'i le si wa'à ni nìgha'a a mbo bè loò, a mbo bù kè a mbo bè bi mɔ'ò, ka mē bĩ'i le ntswe nĩ ñka mbetə nĩ àkwetə a mbo bù tsi'i tso ngǎntoo Kristo aà.

⁷ Lá bĩ'i le si bànṅè bɔnə ni nu bù tsi'i a ngĩṅ ngĩṅ ajàn yĩ mē ndè mu a lèntè nĩ bɔɔ bĩi mē a ko'o aà.

⁸ Tsó mē, ntiì y'i i le si yè'ètè ni a nyə bù aa, kaa bĩ'i le ṅwa'a aa tsi'i nĩ ntoo yĩ ñsigìnè ya a mbo zĩ, bĩ'i le ṅki mfa mibhì mi nú mi'i a mbo bù ñlon mē bĩ'i le ṅkòṅè ghūu si'i si'i aà.

⁹ Nĩ bē wa'atə sigìnè, a bilĩm bi'i, boṅ nĩ zĩ àjàṅ yĩ mē bĩ'i le si nanṣə mfa'a ṅkii nnwuginə aà, bĩ'i le si fà'à a si'inə bo bì nìtugè a nyə mē tâ nĩ wa'ǎ ṅgi'i ka nyə a jɛ'ɛ bĩ'i wa noò mē bĩ'i le si sèènsə n̄toò Nwĩ ya a titiì bù aà.

¹⁰ Bù a bò'ɔ Nwĩ, nĩ ni b̄iyəfə bi'i mē àkòrè nizĩ y'i a le nlaa, ntsinə kaa àlò'ò yĩ tsu kaa a wa'a a ni m̄ighàrìnè mi innù mi'i a nsi bù bĩi mē nĩ le mbii Kristo aa tswé;

¹¹ nlon mē nĩ zi mē bĩ'i le nlogè ghūu aa tsó mē tà à tswe nĩ bɔò bi aa, bĩ'i le si di'itə nĩ ghūu yĩ mò'ɔ yĩ mò'ɔ, ṅkii ndiintə nĩ ghūu,

¹² ṅkwantə nĩ ghūu mē tâ àkòrè nizĩ yuu tâ à ku'unə tsó yi bē bĩi mē Nwĩ à twòṅə a m̄un ànnù nifò yi bo bì a mum nìgha'à ni aà.

¹³ Annù yĩ mɔ'ɔ yĩ bĩ'i fa ni mbi'ikə a mbo Nwĩ ṅgòṅ b̄inòò bitsim aa a ni mē noò yĩ mē nĩ le nyu'u nìghàà ni Nwĩ nya a mbo bĩ'i aa, nĩ le ṅkwərə ṅki mbii, kaa nĩ le ṅwa'à bii aa tsi'i tsó nìghàà n̄i mē ni lo aa mbo b̄amisòṅ, nĩ le mbii aa tsi'i tsó nìghàà ni Nwĩ yumbòṅè, àa tsi'i ayoo

yïi ni ni ghu aà, nìghàà ma nû nïi mē ni fà'à a titiì bù bē bïi mē bi bii Kristo, ñkwensē nî ghuu aà.

¹⁴ Nlonj mē mbà bilîm bâ, nì le si tigē ñje'esē nî ñghòtē Nwî a nîm Kristo Yesu jii mē i tswe a Yudea aà; ñkii yē nî ñgi'i yïi mē bē bi ala'à buu bi le si ninjē ni a nu bù aa, tsi'î a ñgîñ ñgîñ a ajàn mē ndanwî jii mē i tswe a Yudea aa i le si kii nyē nî ñgi'i a mbo baYuda aà;

¹⁵ bo bii mē bi le zwiwē Mmà'àmbi Yesu ni ñgãntoo Nwî, ñki mfurē yi'i bî'î fe'ekè, ñghirē ntōñ Nwî i nanjē ñlwi aà. Bo nî ñgàn kîbàà bē bitsîm.

¹⁶ Bo le si, kîñē ni mē tâ bî'î tsuu nî ñtoo yï ñsigîñē ya a mbo batoo dân ghèè tâ bo yu'u nyweenē. Bi le ñghirē ma mùu ajàn aa tâ ìbî waa yïi mē bo le si ghîrē ni a nsi mi'i Nwî aa, tâ ì luu. Lâ tsîtsòñ wâ àlwintōñ Nwîngōñ a zî mē ñkwetē waa!

Ayè'ətē Paul a mbũ nzî ñghantē waa

¹⁷ Lâ a ñghèē a mbo bî'î bilîm bi'i, bî'inē tswē mē a njii njii kaa wa'à bù ñyənē a ni mu àtîi noò, ka mē a bē ma mùu ajàn aa, mîntîi mi'i mi tswe bî'inē ñgōñ bî'nòò bitsîm, bî'î kî ñyē'ətē ñgansē ni mitîi mi'i mē mbē bî'inē bú ñyənē.

¹⁸ Bî'î le si ñlòò a zî a mbèè bù, tsi'î mēbōñ, Paul, a ñgaa jî ghà'ətē, lâ Satan a kîñē nî yi'i.

¹⁹ Ayoo yïi mē mbē bî'î ka mbē, kē ñdorē ni'i, kē mîyàrîñē mi ñgù'ù, mîi mē bî'î ka yï ki tswōñē nî nû yî'î ghu a nsi mi'i Kristo a noò yïi à ka yï nzî aa, à nî àkè aa ε? A laa wa'à bu bē aa ε?

20 Nlonj mə nì laa mbə ni gha'à ni'i ηki mbə nidorê ni'i.

3

1 Ma mùu ajàn, tsǒ mə kaa bǐ'i le ηwa'à bù nzi ajàn yǐi mə mbə bǐ'ǐ tswa mǎntǐi mi'i aa, bǐ'ǐ le ntigə mbii mə bǐ'ǐ ka tigə tswə a ala'a Athens,

2 i bǎnə tigə too Timoti yǐi mə à le mbə mumaà yǐ'ǐ, ηki mbə ηgàṇàfà'a Nwǐ nlonj ntoò Kristo yǐ n̄sigìnə aa mə tâ à zi ηkwətə ghuu a ηghìrə mə tâ àbǐintǐi yuu tâ à ka ηkwe

3 ta tâ ηù n̄i bù tâ tsee lǒ ki tsìginə nlonj ηgi'i yǐi mə ni yə aà. N̄i laa nte'ε nzi mə bǐ'inə tswə n̄i ηka nyə ηgi'ǐ.

4 N̄i ki ηwa'atə mə nòò wa mə bǐ'ǐ le ntswe bi'inə laa, bǐ'ǐ le mbaa nswonj a mbo bù mə, bǐ'inə tswə n̄i yǐ ηka nyə ηgi'ǐ; tsi'ǐ fàa ajàn mə a fè'è mē n̄i k̄i n̄yə aà.

5 Ma mùu ajàn, tsǒ mə kaa mə le ηwa'à zi ajàn yǐi mə mbə mə bù n̄tswa ntǐi gha aa, mə le ntigə ntoo ηk̄i a mbetə tǎ zi a ajàn yǐi àbǐintǐi yuu a bə aà, nlonj mə mə le si bɔ'ɔ mə mbə akwà'ànə a ló ηkwà'ànə ghuu n̄i wô, tâ àfà'á yǐ'i à tsya adànə danə.

6 Tsǐtsòṅ mə Timoti à bù mē n̄lo a mbèè bù m̄bii n̄i ηk̄i yǐ sigìnə nlonj àbǐintǐi yuu bo bi àkòṅnə yǐi mə n̄i tswə ni yu aa, ηki ηke'εnə mə ni wa'atə n̄i yǐ'i n̄i ntǐi yǐ sigìnə, a ηgòṅ b̄nòò bitsim, ηk̄i nyə'ətə ni mə bonj n̄i yə yǐ'i aa, tsi'ǐ ajàn yǐi mə bǐ'ǐ k̄i nyə'ətə ni a nyə bù aà,

7 ma mùu ajàn, bilim mbâ, ka mə bi niṅ n̄i m̄buu ηgi'i tsim a nu bǐ'ǐ, bǐ'ǐ k̄i n̄yuu n̄i n̄yanə

aa, ànnǔ abiiintii yǐi mǝ nì tswe ni yuu aa, a bǝrisǝ ni mǐntii mi'i.

⁸ Tsìtsòŋ bǐ'i ka nanǝsǝ tswe bitii, mǝ mbǝ nì ki ntǝ ntii a múm Mmà'àmbí.

⁹ Nlonǝ mǝ mbǝ bǐ'i nanǝsǝ mfa mbi'ikǝ a mbo Nwǐ aa mǝ akǝ nlonǝ ghuu, nlonǝ nidorǝ nǐi mǝ bǐ'i tswe ni nu a nsi mi'i Nwǐ ñlonǝ ŋgaa yùù aa ε?

¹⁰ Bǐ'i tsà'àtǝ nǐ Nwǐ nǐ ñtii yi'i tsim a asǐ'ìnǝ bo bì ñtugǝ, mǝ mbǝ bi'inǝ yǐ mbu nyǝnǝ, ni minsi, i fa ayoo yǐi mǝ mbǝ tǝ'è mǝburǝ ka ki bonǝ a nǐ àbiiintii yuu aà.

¹¹ Tsìtsòŋ tâ Nwǐngòŋ Taà yi'inǝ yumbonǝ, ni Mma'ambí yi'inǝ, Yesu, tâ à tsyasǝ yi'i tâ bǐ'i zi a mbo bù;

¹² tâ Ŋgànǝmà'a yi'inǝ tâ à ki ŋku'usǝ akòŋnǝ yǐi mǝ nì tswe ni yu, ñkòŋnǝ nǐ ghuu bù bu ni bù, ñkii ñkòŋnǝ nǐ bǝ bitsim aà, tsi'i ajànǝ yǐi mǝ bǐ'i kii ñkòŋnǝ nǐ ghuu aà.

¹³ Ma mùu ajànǝ, tâ à ghìrǝ tâ mǐntii muu mǐ laa, ntsuu nǐ àlò'ò lǝ tswe a nsi mi'i Nwǐngòŋ Taà yi'inǝ, fyâ noò yǐi mǝ Ŋgànǝmà'a yi'inǝ Yesu à ka yǐ zǐ bo bì bǝ bi Nwǐ bitsimǝ aà.

4

Ntswǝntii yǐi mǝ a ghìrǝ Nwǐngòŋ a doritǝ aà

¹ A nlwǐ'isǝ mbǝ bǝ bi maà, bǐ'i di'itǝ nǐ ghuu ñkii mbu'u nǐ mǝbo a mbo bù nǐ ñkúm Mmà'àmbí Yesu mǝ, ajànǝ mǝ ni lǝ nyǝgǝ a mbo bǐ'i aà, a ku'unǝ ñka ntswe ntswǝntii yùù ni mǎnjǐ yǐi mǝ a ghìrǝ Nwǐ a doritǝ, yǐi mǝ nì kǐ mǝ ñlogìnǝ ñka ntswe aa, nǐ ghεε nǐ mǝbǐ tsi'i maa ajànǝ.

² Nlonḡ mē nì kī nzi ndi'i jya j̄ii mē b̄i'i lē mfa a mbo bù, a ajàḡ ȳii mē Mmà'amb̄i Yesu à lē nswon aà.

³ Annù ȳii mē Nwĩ a lòò aa, a nì aa mē tâ nì laa mmanṣe, mē tâ nì tsuu kī tsùùrè.

⁴ Tâ ḡù ȳi mō'ò, ȳi mò'ò à ka nyo'ò ḡgwê ȳi a nì mânj̄i ȳii mē à laa ḡkī ḡghirè mē mbē b̄i gha'aē ȳi.

⁵ Kaa wa'à ka nyo'ò aa bē nì mânj̄i àghè'ènè bāḡgyè, ḡka nloo bē, tsǒ bē b̄i ḡtoo j̄ii mē i s̄i Nwĩ zi aà.

⁶ Tâ ḡù tsù à tsuu ḡkòbē annù a nu mu maà ȳi lǒ j̄itē a nì ànnù ma ȳi, nlonḡ mē Mmà'ambi a niḡ isa'a a nu bē b̄itsim b̄ii mē b̄i ḡghirè ij̄āḡ ifānsennù ma j̄u aà, tsi'i àjàḡ mē b̄i'i lēè nte'ē foo ḡwà'àsè ḡhuu ḡhu aà.

⁷ Nlonḡ mē kaa Nwĩ à lē ḡwa'à ȳi'inè twonē aa mē tâ b̄i'inè ka ḡghirè aa ànnù nsiḡē, à lē mbàḡnè n̄twonē ȳi'inè aa mē tâ b̄i'inè ka ḡghirè aa innù j̄ii mē i laa aà.

⁸ Ma mùu ajàḡ, ḡù ȳii mē a tsa'a ma ȳi ànnù aa, kaa si aa ḡm̄isòḡ tsa'a, a tsa'a aa Nwĩ ȳii mē a fa n̄i Azwĩ ȳi ȳi làà ya a mbo bù aà.

⁹ A ḡghèē n̄i ànnù a ḡka ḡkòḡnè ḡhuu bu nì bù tsǒ b̄o b̄i ma, kaa mbē b̄i'i wa'à bù ka ḡwa'anē nlonḡ ma yaà ànnù, nlonḡ mē Nwĩ yumbòḡ à d̄i'i mē, a mbo bù mē tâ nì ka ḡkòḡnē ḡhuu bu nì bù.

¹⁰ A k̄i mbē annù n̄iḡkonḡ mē nì k̄ōḡ bil̄m̄ buu b̄itsim b̄ii b̄i tswe a mbù'u Macedonia bù làà. Là b̄i'i bu'ù n̄i m̄bo a mbo bù, bil̄m̄ b̄i'i, mē tâ nì bu nnanṣe ḡkòḡnē waa ḡghèē n̄i m̄b̄ii.

11 Nka n̄gaansə ada'â yuu a n̄tswe n̄i m̄bɔɔnə, tâ n̄u yĩ m̄ɔ'ɔ, yĩ m̄ɔ'ɔ ka n̄tɛ'ɛ atú yi tsi'ĩ n̄i à yii annù, n̄kii n̄ka m̄fa'a n̄i m̄bô muu, a ajaŋ m̄ə b̄i'ĩ lɛ n̄di'itə ghuu aa;

12 m̄ə tâ b̄ə b̄ii m̄ə bi burə t̄i Nwĩ bii aa, tâ bi ka m̄bɔ'ɔ ghuu, tâ n̄u n̄ibù tsee b̄ə a n̄u dàŋ ki yu'utə n̄i n̄joo j̄ii m̄ə a l̄òò aà.

Nòò n̄zĩ Mmà'àmbi

13 Kaa b̄i'ĩ si l̄òò m̄ə tâ n̄i tswe a m̄úm itugə, a bil̄im bi'i, n̄loŋ annù b̄ə b̄ii bi kwòkè m̄ə aà, m̄ə tâ n̄i tsuu i ki j̄əŋnə, tsi'ĩ tsɔ b̄ə b̄ii m̄ə kaa bi si annù tsu bu mbɛ aà.

14 N̄loŋ m̄ə, tsɔ m̄ə b̄i'inè bii m̄ə Yesu à lɛ n̄kwo mbu mb̄inè n̄i wo aa, b̄i'inə ki nzi m̄ə tsi'ĩ maa ajaŋ yii m̄ə, n̄tsya a n̄j̄im Yesu, Nwĩ à ka yĩ gh̄irə tâ b̄ə b̄ii m̄ə bi kwòkè m̄ə aa tâ bo bu mb̄i fu bo b̄i Yesu.

15 B̄i'ĩ kè'ènè n̄i ma yú ànnù n̄yoŋə aa n̄i n̄ighàà n̄i Mmà'àmbi, m̄ə b̄i'inè b̄ii m̄ə b̄i'inè tswe bi t̄i aa, i yĩ burə i ywe'e wa noò m̄ə Mmà'àmbi à ka yĩ z̄i aa, kaa b̄i'inè ka yĩ wa'à a mbii b̄ə b̄ii m̄ə bi lɛè n̄kwokə aa tsyà, n̄kàŋ kaa a ka yĩ wa'á maa ajaŋ b̄ə.

16 N̄loŋ m̄ə Mmà'àmbi yumbɔŋ à ka yĩ lo a aburə i sigə, i ghàà n̄i n̄j̄i yĩ nt̄i, a ajaŋ m̄ə n̄d̄i baangel wa à ka yĩ t̄əŋnə n̄twon aa, tâ n̄tàn Nwĩ tâ i ki n̄ghaa. Tâ b̄ə b̄ii m̄ə bi lɛè n̄kwokə a mum Kristo aa tâ bo foo mb̄inè;

17 tâ b̄i'inè b̄ii m̄ə bi burə bit̄i aa, là'à bi'inè bya m̄ə b̄i'inè burə a n̄j̄im aa, tâ bi tigə n̄logə yĩ'inè n̄ibò bitsim̄ n̄ko'ɔ n̄i bu a m̄úm m̄bà'à a

mbòo Mmà'àmbi a ndəŋ; maa ajaŋ tâ bǐ'inè tigə ntswe bi'inè bǐ Mmà'àmbi a ŋgəŋ bìnòò bitsimè.

¹⁸ Ma mùu ajaŋ nǐ tigə ŋka nlə'ətə mǐntǐ muu bu nǐ bù nǐ nǐghàà ma nú.

5

Nǐ taŋtə a ŋkwərə Mmà'àmbi a noò yǐ mə à ka yǐ bǐ bǐ àà

¹ Lâ bìlǐm bâ, a ŋghèε nǐ ñjwi kè noò yǐ mə ma jû ìnnù ka yǐ fè'è ghu aa, kaa bǐ'ǐ ka wa'à bù ŋka ŋghensə noò a ŋŋwà'ànə a mbo bù.

² Bù bǐmbəŋ nǐ zi sigìnə mə ñjwǐ Mmà'àmbi ya ì ka yǐ zǐ aa tsi'ǐ tsǒ ñyərə a wǐ'íkə ñzi nǐtugə aà.

³ Wâ noò mə bè swoŋə nǐ mə “Bǐ'ǐ tswə nǐ mbəwəŋə kaa wa'à nǐ ànnù tsu bə'ə” aa, a naa tsi'ǐ maa noò mə ŋgǐ'ǐ ì ka bəŋnə wǐ'íkə fè'ε ì kuu a nu bo, a ŋgǐŋ ŋgǐŋ a ajaŋ yǐ mə mǎŋgyè yǐ mə à tsigə mu a wǐ'íkə ñyu'u nǐ ñyàŋə aà. Maa noò, àdìgə a ŋkhə ŋghèè ghu kaa a wa'à bə.

⁴ Lâ bìlǐm bâ, kaa bù bǐmbəŋ nǐ sǐ aa múm ìtugə tswé mə tâ ñjwi mà ya ì zi ŋwǐ'íkə mǐfunə ghuu tsǒ ñyərə.

⁵ Nlɔŋ mə nǐ laa mə mbə bəə ŋkà'à, mbə bəə bǐ mfu'u àbèè; kaa bǐ'inè laa wa'à bəə bǐ itugə bo bǐ mfii ìdìgə bə.

⁶ Maa ajaŋ bǐ'inè tsuu nən ì ki bwiiŋkə, ajaŋ yǐ mə àbùgə bə a ghərə aa, a bəŋnə ŋkù'unə mə tâ bǐ'inè tswə nǐkərə, ntswe nǐ àlāa atú.

⁷ Nlɔŋ mə bè bǐi mə bǐ bwii filo aa, bǐ bwii aa nǐtugə, bè bǐi mə bǐ mbaanə mǐlù'ù aa bǐ kǐ mbaanə aa nǐtugə.

⁸ Lá m̀b̀e ỳi m̀e b̀i'inè ǹi b̀e bi mfu'u àb̀èè aa, a ku'unè t̀a b̀i'inè ỳe m̀e b̀i'inè tswe ǹi àlaa atù. B̀i'inè wɛ'ɛ atsè'ə ntsò ỳi ǹigò ỳi m̀e à ǹi b̀iintii b̀o àk̀òh̀nè aà, ñk̀i nso atsè'ə atu ntsò ỳi m̀e à ǹi ajàn ỳi m̀e b̀i'inè be ǹi ìlòh̀ aà.

⁹ Nlòh̀ m̀e kaa Nwìng̀òh̀ kaa à le ñwa'à ỳi'inè ka'a aa m̀e t̀a b̀i'inè ỳi nyè ñg̀i'i nyòh̀ aa a ñj̀m alwintòh̀e ỳi, à le mb̀àǹnè ñtàǹtè aa m̀e t̀a b̀i'inè tswe ǹi ìlòh̀ ỳi m̀e i lwi'i ǹìkòh̀, ỳi m̀e b̀i'inè kwèrè ntsya aa a ñj̀m Mmà'àmbi ỳi'inè Yesu Kristo aà.

¹⁰ Mmà'àmbi Yesu Kristo wa ỳi m̀e à le ñkwo nloh̀ ñkwitù ỳi'inè aa, m̀e kè b̀i'inè tswé bit̀i kè b̀i'inè kwo kwo, boh̀ b̀i'inè tswe b̀i'inè ǹi ỳu.

¹¹ Ma mùu ajàn a ku'unè m̀e t̀a b̀i'inè ka ndiintè ỳi'inè b̀i'inè ǹi b̀i'inè ta ki kwetè a ỳi'inè a ñkwé, tsi'i àjàh̀ ỳi m̀e ǹi t̀è'è m̀e ñlogìnè a ñghìrè aà.

Adi'itè bo bì àtsà'atè ỳi nlwì'ìnj̀im

¹² B̀il̀m bi'i, b̀i'i di'itè ǹi ghuu m̀e, ǹi ka mb̀o'otè b̀e b̀i m̀e bi nwùgìnè a tit̀i bù aa, b̀i m̀e Mmà'àmbi à lèè m̀e t̀a bì ka nlentè ñk̀i ndi'itè ǹi ghuu aà.

¹³ Ǹi ka nan̄sè ñkòh̀e ñk̀i ñj̀entè ǹi waa a ndòh̀ nloh̀ ifà'à ỳi m̀e bo fà'à aa. Ǹi t̀igè ntswe ǹi m̀b̀oònè a tit̀i bù ǹi bù.

¹⁴ B̀i'ì ghɛɛ ǹi m̀b̀i ñtsa'asè ǹi ghuu bil̀m bi'i, m̀e t̀a ǹi ka ndi'itè b̀i'bwèrè, ñka ndiintè b̀e b̀i m̀e m̀int̀i myaa mi b̀orè aà, ñka ñkwetè ǹi b̀e b̀i m̀e bi b̀orè a mùm Azwi aa, ñk̀i nzi ajàn ỳi m̀e ǹi ka tswa b̀e bits̀im ǹi àtàǹent̀i aà.

15 Nì yə mə kaa nì si annù yî bi a atû ànnù yî bi kwi'inə, m̄baŋnə yə mə ni ghìrə ibòŋ a ηgòŋ bìnòò bitsìm a nu bù yî mɔ'ɔ yî mɔ'ɔ, bo bì a nu bə̀ b̀tsìmè.

16 Nì ka ndoritə a ηgòŋ bìnòò bitsìm.

17 Nì ka ntsa'atə nî Nwĩ a ηgòŋ bìnòò bitsìm n̄tsuu k̄i kaa.

18 Nì ka mfa mbi'ikə a mbo Nwĩ nî ηḡòŋ innũ tsìm j̄i mə i tsi'i nî ghuu aà; ñlɔŋ mə à ni ànnù ȳi mə Nwĩ a lòò, ȳi mə à fà'à mə a mbo bu n̄tsya a n̄j̄m Yesu Kristo aà.

19 Nì tsuu mɔ'ɔ Azwĩ Nwĩ k̄i bwetə b̄ə.

20 Nì tsuu n̄ghàà n̄i mə ntoò Azwĩ Nwĩ a ñkè'ènə a mbo bù aa k̄itsa'a.

21 Nì ka ñkwa'anə innù tsìm; ñka ntswa nî innù j̄i mə i ku'unə aa ntugitə.

22 Nì ka ntsu'uə nî ìbəŋ innù j̄i b̄i tsìmè.

23 Nwĩŋgòŋ ȳi mə a fa mbɔɔnə aa à ka si'i ghuu tâ n̄i laa m̄maŋsə; i ləə àzwĩ yuu, ni m̄nt̄ī muu, ni m̄ib̄ī mi n̄u muu, tâ m̄i bɔŋ, kaa wa'à n̄i àlò'ò tswé w̄a noò mə Mmà'àmbi yi'inə Yesu Krito à ka ȳi b̄i b̄i aà.

24 Yu wa mə à twòŋə ghuu aa, a ləə ñkà'á ȳi, à ka k̄i yə mə yu ghìrə n̄i laa m̄aŋsə ma lá.

25 B̄il̄m bi'i, n̄i ka ntsa'atə nî Nwĩ a atu b̄i'ĩ.

26 Nì tsa'atə bil̄m bi'inè, ñnɔŋə n̄i m̄ighègè myaa n̄i àkòŋnè Nwĩ.

27 Mè d̄i'itə ghuu n̄i ìkũm Mmà'àmbi mə tâ n̄i twòŋə aŋwà'ànə ȳu a mbo b̄il̄m bi'inè bitsìmè.

28 Tâ ìb̄ɔŋ Mmà'àmbi yi'inè, Kristo Yesu, ì lwi'i a mbo bù.

Bafut
Bafut: N̄toò Kristo yî N̄sigìnè: mìkàà yî mfiì New
Testament

copyright © 1999 Wycliffe Bible Translators, Inc.

Language: Bafut

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source
files dated 26 Apr 2025

5d039b4a-c9a1-50b1-8a61-176cf48aa271